

藝文志

經緯天地之謂文文所以載道也自書契肇興以後作者代出炳若日星上而朝廷制作下而草野著述不啻汗牛充棟矣閩清開縣稍晚唐以前之載籍無聞焉迄於宋代許文定崛起偏隅制作燦然明備陳祐之兄弟競爽禮樂蔚然成書信乎實大聲宏傳世不朽也至若負才績學之士閉戶著書自宋以來更僕難數中更喪亂遺佚者多亦考古之憾也謹就耳目所及錄之間加提要俾前人撰述之精神不至久而泯滅則幸甚纂藝文志

宋

陳祥道周禮纂圖二十卷

閩清縣志

卷六

藝文志

一

考工解

儀禮註解三十二卷

太經義考士引陳祥道註進解子禮曰三伏見館閣詳博

洽非諸儒所及臣竊以儀禮為深於禮文難讀其義難知此書罕能

潛心故為之傳註者甚少祥道深於禮法凡二十年乃成此書先

王法度如指諸掌昨進禮圖一儀五十卷已兩制上看詳藏之前所進伏

禮記講義二十四卷

禮書一百五十卷

四庫書目提要其書多掇擊鄭學如論康成引周

之說異論禘祭及親廟自康成禘自禘大力祭不親廟之說辨上說

帝及五帝引畫唐代諸儒之論近世五帝之說陳振孫稱其論補

其闕晁公李薦均稱其禮學博一時及通判盧彭年家傳家只

且始以見其全飾之於

論語全解十卷

四庫書目提要此稱本其精博道自詮釋道長於三禮制之

最為詳晰如解躬禮自待而薄如於人之義則引明鄉之飲雖酒未必盡以合明經之

意而旁引黑曲證頗為寶龜稱蔡於文關之蔡章則云冀治汗謂馬之稱

汗連類引伸亦多治有裨於考證惟謂亂學此宗俱王氏故往別雜解

據莊子之說以一作證揜焉案八閩通志體閩書均作論語核可

禮例註解十卷

陳暘禮記解義十卷

孟子解義十四卷

樂書二百卷四庫書目提要此書九十五卷靖國三禮詩為秘書春秋周易字

閩清縣志

卷六

藝文志

二

孝經論語孟子之言各為訓義其為樂圖論至二浩博辨論亦律

極是審則又推其律呂本原及後世雅俗諸部其載中祇惟辨於二變代器

清二條至應鐘四宮而設既謂黃鐘四至夾聲以附正又謂之夷其意蓋

應鐘而設是關角四聲也須黃大太夾四清角呂一聲均夷而為夷次南

而闕羽角二聲必須黃大太夾四清角有以二也其論不謂正夷南而無

用清聲者樂之正律以漸驟而高下之理以夷則一律均言同之如

一指也而高下者五聲之可益又論七聲則曰五星者樂之五

常亦益而七之說不知二變若不究其於高下之由然蔡元定以去

不相較則七較而律亦多其二將二十然較之五來而樂亦多其傳七者是音

樂書惟皇祐新樂又圖安可及此書廢耶遺

北郊祀典三十卷

許將熙寧府界保甲勅二卷

申明二卷

許文定集

白玉蟾文集十二卷

道德寶章一卷四庫山書舊本提要紫清真人庚白撰長庚白字白蟾白玉白蟾其別道號士居

清真人則嘉定本間為元趙孟頫所封也其書語多近於禪偈蓋明佛

老同源故也此本為趙孟頫所手書也其書語多近於禪偈蓋明佛

海瓊集八卷潘昉序略曰僕頃未識瓊山一日會於鶴林旁有徵君數

由百幅因取窮刁之隨而轉門響千愈外者深也此河決詩崑崙注之海所謂君

閩清縣志

卷六

藝文志

三

親為審訂去其悲端平往之類得至四卷一瓊閣書或號作海瓊瑄白玉山

蟾目上清集浙江採集

武夷集

海瓊集摘稿天一閣書目

海瓊詞二卷

元關祕論見四庫書

觀物筌蹄十論見四庫書

林學蒙梅塢集一卷

易解

黃景說白石丁藁一卷直進齋書鶴林解玉露三姜白石黃景說巖老學詩乾於蕭己

千巖老人號白石詩
亦工時人號白石詩

蕭德藻千巖擇稿七卷

外編三卷

續編四卷

瀛奎律髓蕭德藻初與楊一誠聯云湖湘同官誠苦齋反巖其壑

事嗔人不得早還籬落間最不能奇峭姜堯章乃蟋其婿太多

許銳大慙稿

尊德錄

尙綱集

明

謝瑀敬軒集二卷

閩清縣志

卷六

藝文志

四

清

劉沛然宋易

劉士傑四書說貫二十卷

是書多引呂氏晚村顯之說

三禮備要四卷

劉成章箋註左國四卷

劉祖憲橡繭圖說二卷

貴州安平縣志五卷

論語紀聞八卷

三禮纂要十二卷

劉懿芝敬業堂文集

明溪隨筆

二程語錄註釋

閩清縣志

卷六

藝文志

五

金石志

宋歐陽文忠有集古錄所以寶藏歷代之墨蹟留以餉遺後人也然明堂清廟大筆淋漓以及淮西銘功燕然紀績其勒諸金石者固易搜羅至於僻壤偏隅非無前賢遺墨而歷時既久往往委諸蔓草荒烟好古者憾焉梅溪山川清淑懸崖絕壁儘多往哲留題自宋以來其隨風霜兵燹以銷滅者不知凡幾而碩果蒙泉尙留千百之一二者尤不容不爲記載焉纂金石志

龍首岡石刻 在二都起傅巖之左宋陳祥道先生書龍首岡三字於石筆勢雄偉

達泉石刻 卽二都賢良陂陳暘拜石得泉處巖上鐫達泉二字書

閩清縣志

卷六 金石志

一

法道勁

起傅巖石刻 在二都鳳凰山上宋陳祥道兄弟讀書處後均登上第巖上鐫起傅巖三大字係張安國書筆力雄壯今雖榛莽荒穢游客尙披覽之

梅溪石刻 在梅溪坪上宋朱晦菴先生書梅溪二字鐫於石壁筆力雄偉眞墨寶也人多摹搨之

觀雲岫石刻 去龍津橋三里許有峰曰珠峰峰高聳翠流水屈曲雲吐其間石上鐫有觀雲岫三字亦朱晦菴先生所書也

八閩嶽祖石刻 去縣西南六十里峭壁數十尋巍然高聳是曰白巖俯視一切朱文公勒石其上曰八閩嶽祖

溪山第一石刻 在十五都廣濟巖林壑幽美巖石玲瓏朱文公鐫
溪山第一四字於石碑上又巖壁鐫振衣二大字明觀察曹學佺
亦題佛國天開四字於門額

留雲石刻 在後峯墩獅巖山中有石洞道光九年邑人林陽春闢
榛莽得之方圍丈餘環生蘭桂梅竹旁勒留雲二大字載朱晦翁
三小字

龍門石刻 在一都鼎峰之陽山水奇秀先儒林學蒙與弟學履讀
書處朱子避僞學之禁至學蒙家蒙師事之朱子爲鐫龍門二字
於石

白雲山石刻 宋淳祐御書白雲山三大字於石碑上字畫莊重今
猶橫臥寺門外也

沈子巖石刻 在南關外昭顯廟巖下石壁中鐫有沈子巖三字字
畫蒼勁不知何人所書後因溪水環流石壁沒於水中人不得見
然遇大旱水涸時尙得見之但模糊耳

盤谷巖石刻 巖爲白真人玉蟾修真處乳泉由巖隙流出味極甘
美寺門石額題盤谷巖三字天矯不羣

甲高嶺石刻 界於二都四都之山嶺有甲高嶺三大字勒在石上
筆勢甚偉惜年代久遠書者姓名漫漶

山清水秀石刻 亦在梅溪坪石壁係乾隆中郡守李拔書筆墨飛
舞峭拔異常

張公泉石刻 在南關外奎光閣下知縣張兆鳳捐俸砌路因得是泉士民德之立碑其上曰公尹梅溪興利除弊多善政民之慶得公猶渴之慶得泉也爰銘之石曰張公泉俾飲是泉者毋忘所自云

白雲渡石刻 在十七都白雲渡頭石壁書白雲渡三大字字極蒼老

長老莊石刻 長老莊三大字筆畫圓勁今在白雲渡觀音堂門上石額閩清縣訓導凌翰書又左邊石額有流憩二字右邊有幽棲二字

列傳

大丈夫生有聞於當時死可傳於後世雖曰邦家之光亦閭里之榮也葺爾梅唐以前國史無色趙宋以後名賢鵲起或以政績著或以道學顯邑乘載之史官詳之轟轟烈烈百世下猶動人仰止之思何其盛乎蓋其時道南之化濡染甚深而考亭夫子過化存神之妙梅之士又多蒙其造就者迄今人才衰歇其由於世運之變遷乎亦弗自振拔故也我思前哲喟然感矣纂列傳

黃 稹字知幾邑人登皇祐二年進士稹與同里劉絳友善時號北堂二友至是果與絳同第閩清之登上第者實自二人始也知潮州歲饑不待奏卽發粟出賑所全活者無算監司劾其擅專朝廷

閩清縣志

卷六

列傳

一

察其功而原之尋召汀州汀以農桑爲業未知向學稹親加訓誨又率民之秀者悉養於黌舍由是人人知奮旋調漳州改朝散大夫官終上柱國乞歸年八十而卒

許 將字冲元邑人嘉祐八年登進士第一歐陽修讀其文曰王沂公輩人也調簽書昭慶軍判官代還通判明州神宗召對除集賢稜理同知禮院編修中書條例自太常丞超改右正言直舍人院判流內銓皆上特命舉朝榮之初因綜核無法擬調選人必先南曹次考功吏得緣文爲姦選人又莫敢訴將奏罷南曹闢公舍以待來訴者士無留難知制誥契丹來請代地以兵壓境聘使不敢行將毅然請往命詣樞密院閱文書而後行至境居人跨屋棟聚

觀南朝狀元及肄射輒先破的館客肅禧果以代州爲問曰界渠未定且往大國分畫將徐曰此事申飭邊臣足矣何勞遣使禧不能對歸報神宗善之以知審官西院又直學士院判尙書兵部時河北保甲陝西河南弓箭社閩楚槍牌手雖有名籍而按閱無法將一切整攝之進翰林學士權知開封會治虞蕃訟釋諸生無罪者蔡確舒亶因陷之逮其父子繫御史府踰月得解黜知蘄州明年以龍圖閣侍制知秦州改楊鄆二州鄆俗士子喜聚肆以謗官政將至其俗自息久之民鮮犯法者三圉皆空召爲兵部侍郎上疏言兵略曰措於形勢之內最彰而易知隱於權用之表最微而難見此天下之至機也是以兵戎有制名雖不同縱而橫之方而

圓之使萬衆猶一人車馬有數用雖不同合而分之散而斂之取四方猶跬步制器有度工雖不同左而右之近而遠之運衆算猶掌握非天下之至神孰能與此又條奏八事兵之事有三曰禁兵廂兵民兵馬之事有三曰養馬市馬牧馬兵器之事有二曰繕作給用及西方用兵神宗遣近侍問兵馬之數立具以上尋以龍圖閣直學士知成都元祐三年再入翰林拜尙書右丞始與執政同議用張利一張守約領兵及中旨用王文郁姚兕將密疏利一不可用言者論其窺伺主意衝直賣友罷爲資政殿學士知定州移楊州大名會黃河東北二議未決將曰度今之利謂宜因梁村之口以行東因內黃之口以行北而盡閉諸口以絕大名諸州之患

俟水大至觀故道足以受之則內黃之口可塞不可以受之則梁村之口可止兩不能奪各因其自流以待之紹聖初入爲吏部尙書乞依元豐詔定北郊夏至親祀進左丞中書侍郎章惇蔡卞奏發司馬光墓哲宗以問將對曰非盛德事復問漢唐誅黨人故事對曰三代固有之祖宗以來則未之有本朝治道所以遠過漢唐者以未嘗輒戮大臣也上皆納之嘗議正夏人罪以涇原近夏而地廣謀帥尤難乞用章棨後棨果有功崇寧元年進門下侍郎金紫光祿大夫撫定鄴廓州邊臣欲舉師渡河朝議難之將獨謂外國不可以爽信而兵機有不可失旣已戒具願遂從之未幾河湟果復捷書至以功轉特進中丞朱諤論其居政地十年左顧右視

見利則回初無定論在元祐則盡更元豐之所守在紹聖則陰匿元祐之所爲逮至建中尙爾冒居時謂言得其情以資政殿大學士知河南又降學士知潁昌改觀文殿奉國軍節度使知大名居六年告老爲祐神觀使卒年七十五贈開封儀同三司諡文定崇祀鄉賢子份龍圖閣學士

傳載弘簡錄

蕭 磐字安國邑人紹聖元年進士官至朝請大夫權知梧州軍管勾學事兼管勸農軍事提舉錢鹽課農桑興學校百廢具舉暇則引諸儒飲射讀法有古循吏風丐休賜紫金魚袋

許 份字子大將之子崇寧二年進士累官國史編修政和中簡功臣子牧郡份知鄧州政尙寬平庭無留訟故人愛服之在鎮四年

圉圍幾空改蔡州郡多盜份痛鉏治不少縱有謀不軌而榜於途市份卽召捕盜官令分兵出上蔡及南北開戒明日擒賊人莫之測也翌日果獲賊至猶欠六人則曰必在上蔡明日至矣已而果然人以爲神明尋改揚州上諭云揚州古今名郡今委卿鏟除蠹弊期月而召矣份因請曰臣聞應奉司封記花竹凡山林之勝士民之居騷然無遺地願悉罷去又言維揚一都會而止江都天長兩縣不足以供經費而泰州之泰興舊屬邑也願復之又言異時帥臣於經賦之外增上供九萬四千餘斛而民不堪願如政和舊額上皆從之金人再入寇公卽日檄一路兵勤王進討解亳州之圍而漕糧至京畿不絕時諸路兵入援所至或縱剽掠不聽入州

城軍士病之公大啓城闈至者撫勞而去秋毫無所犯城闈堙圮公一新之不逾月而功就故金人兩至中都而維揚之民晏如也遷龍圖閣學士去之日百姓遮留

陳剛中字彥柔祥道從子宣德郎安道子也登建炎二年進士性慷慨敢論事紹興初官迪功郎上言民力凋瘵請罷冗食去虛文以足國用遷太府寺丞應詔建議忤秦檜意未幾胡銓以劾檜貶韶州剛中作啓賀其行有曰屈膝請和知廟堂禦侮之無策張膽論事喜樞庭經遠之有人又云知無不言願借上方之劍不遇故去聊乘下澤之車檜聞益怒遂與張九成等七人同謫剛中謫知安遠縣士惜之有詩云同日七人俱去國何時萬里許還家剛中至

縣適有嶺寇盡瘁撫定冒瘴而死家貧櫬不能歸葬杭州風篁嶺
孫問登建炎五年進士

林夢英字叔虎邑人朝請大夫公選之孫登淳熙二年進士寓臨州
師陸象山之學知武陵縣愛民鋤奸興學作人擢靖州通判值舊
蠻作亂英討平之官終秘書丞

林文仲公選孫與夢英同登淳熙二年進士寓撫州歷官成都漕政
尙和平蜀人愛之

黃唐字雍甫淳熙四年兩賜釋褐第一人授宣教郎兼修國史時
光宗不朝上皇惑於小人心孝之言稍疏問安之儀唐爲員外郎
與陳傅良等及同館生言之疏略曰壽皇聖帝慮乳保之不周每

閩清縣志

卷六

列傳

五

夕必置於胸而後臥則壽皇之待陛下何其至也今陛下仁孝天
植何爲而至此光宗翌日卽過慶元宮朝謁除考功郎時韓侂胄
欲諡其父曰忠獻唐不可改爲忠愍復不允議遂致官歸

鄭性之初名自誠後避理宗潛邸舊名遂以字行號毅齋

按中興館閣錄作閩

清人初受學於建陽朱子朱子詢其字嘆曰好大名大字性之由是

自勵朱子奇之登嘉定元年進士第一人

宋史本傳作嘉定四年誤

授承事郎

歷簽書奉國軍節度判官郡守王介以性之掄魁不責以吏事性
之曰吾豈敢以幕府爲蘧廬乎益盡瘁奉公六年三月召對以崇
聖學教太子爲先次論人君所以立國者在人才人才之所以能
立人之國者在氣節三論楮幣邊事軍政除秘書省正字八年正

月遷秘書郎轉對首言去歲遣使通國譁然以爲非便朝廷以軍政未修一日絕幣兵連禍結甚於行李玉帛之費然國人之論未嘗欲朝廷用兵但願陛下勿忘國讐耳完顏氏救亡不暇豈復敢與我敵此天啓我自治之時奈何一切排抑遂使議者疑朝廷特借生事之戒以蓋其畏怯之心臣嘗論今日之憂不在於亡金而在於蒙古與中原崛起之羣盜臣謂當擇二三大帥邊陲之事悉以付之規模一定行之必能成功且邊守數易不可者三而迎送之費不與焉淮甸攻守之具非三五年經理不能就一不可也縱能就而代非其人則棄其前功二不可也其人旣不爲久計數日待遷諉其責於後人三不可也邊郡不過數十城以天下之大豈

無數十輩忘身殉難自奮功名之士誠能精選而久任之將見祐預琨逖之流接踵而出矣九年兼權尙右郎官乞補外差知袁州十一年召入奏事性之言國有政事謀之大臣參之執政旣相與可否矣苟有未至則侍臣得以獻替臺諫得以論列理之所在何嫌異同今侍從臺諫間有忠憤不能已者立中傷之此非國家之福十二年召除侍左郎官轉對言淮東忠義雖曰區處得宜然主客之勢不宜偏重淮西關隘經理頗見次第然奏請率多扞格請假以事權生其智勇自蜀得重帥朝廷信任不疑仰見陛下將將之道然聞其每有申請一切順從昔郭子儀擬除州縣官一人不報或謂宰臣不知事體子儀曰自兵興以來姑息武將求得欲從

今某除吏不行是朝廷不以武臣見待也豈非今日待蜀帥之法乎復言祖宗用法寬厚惟於賊吏獨嚴近者貪風復煽苞苴公行昔威王烹阿封墨而齊國大治楊綰當朝減聲樂省騶從撤第舍者有之轉移在君相爾十三年兼國史院編修官俄除將作監時東宮虛位中外皇皇性之乞早定大計且以立長爲言寧宗嘉納十六年除右文殿修撰知贛州贛卒以姑息煽亂提刑縱勿捕性之曰贛守以兵鈐繫銜討賊吾職也吾豈敢以其責諉監司設方略討平之理宗卽位除集英殿修撰知隆慶府寶慶三年遷寶章閣待制陞江西安撫使仍舊任以勞得暈疾丐祠紹定六年進敷文閣待制起知建寧府端平元年拜吏部侍郎入對言陛下大開

言路以通壅蔽然言者多則易於取厭言之激則難於樂受若少有厭倦動於詞色則讒諂乘閩或不自知矣時荆襄圖上八陵性之奏朝陵之使不可已中原之機不可失然自開禧用兵誤國嘉定僅僅自守既不能制亡金垂絕之命何以遏強寇方張之勢臣謂急宜守衛三邊爲綢繆牖戶之計綏懷遺黎示中原經略之漸擢左諫議大夫兼侍讀上殿言近觀趙范趙葵及全子才奏疏書牘議論蠶生氣吞強敵臣退而深思終不得其說今范改圖易謀不膠舊議而葵氣愈銳其謀亦愈決昔句踐生聚教訓十年而後平吳諸葛亮閉關絕棧二十一年而後出師葵帥淮東甫及數月而欲建恢復之功古人何難葵何易耶復言范鎮謂備契丹當寬

河東北之民備靈夏當寬關陝之民臣亦謂今日欲經理中原當寬江淮之民彼之困於糴買困於工役困於夫運者沿邊郡縣官吏誅求殆盡矣願陛下下霈然之詔以先臣鎮之論風厲沿邊帥守稍寬科條爲國家愛惜根本天下幸甚是夏六月除端明殿學士二年同知樞密院知事三年拜參知政事明堂禮成以雷雨作待罪左右相鄭清之喬行簡並册免御筆勉留性之命兼同知樞密事力辭不允淮東總領吳淵詣闕奏事爲監察御史唐璘所論理宗欲留淵性之密言以爲不可璘反疑性之庇之遂劾性之寬而無制懦而多私璘素出性之門下自改秩入臺皆爲所擢疏入朝論大議性之從容奏曰璘本孤直所言深中臣病終不復辯後

璘補外與人語及性之輒曰鄭公雅量吾未嘗不自愧輕發也嘉熙元年除資政殿大學士知紹興府浙東安撫使辭不拜提舉臨安府洞霄宮久之加觀文殿學士致仕寶祐三年卒年八十有四贈少傅諡文定性之所至爲民去害就利務崇化厚俗立朝秉正無所附麗李宗勉每見性之論事必曰平生但以公爲寬和長厚人今親見乃如此深切也與人交終始無間莆田陳均客性之門凡三十年著書多資其力子德起嘉定十六年進士歷大常寺郊社令知興化軍乞祠便養終朝散大夫管華州雲臺觀卒
黃師雍字子敬邑人生而勇略過人欽尚氣節少從黃幹學登寶慶二年進士調楚州官屬時李全反狀已露師雍密結他部都統時

青圖之謀泄青被殺師雍不爲動秩滿朝議賢之以不往見史彌遠調婺州教授學政以呂祖謙爲法平居慕徐僑有清望僑亦重之至闕屢稱其賢李宗勉在政府力言於宰相喬行簡許以朝除適師雍以書見行簡勸其歸老行簡不悅請遂格除知龍溪轉運王伯大上其最宗勉召審察將至而宗勉卒時相嵩之密示相親意師雍不顧遷糧科院院與相府密邇亦不領嵩之勢浸盛未有發其奸者博士劉應起首疏論之師雍與應起善故嵩之疑師雍連諷御史梅杞攻擊差知興化軍及應起入台遷師雍宗正寺簿尋亦拜監察御史首疏削金淵秩再斥趙綸項容孫史肯之復與正言李昉英侍御史章琰連疏乞竄嵩之帝勒令致仕直舍人院

劉克莊言故事宰臣去國畀以貼職得守金紫光祿大夫觀文殿學士師雍謂元降御無觀文之命自克莊啓之劾以朋邪顧望失身犯義免所居官又乞籍嵩之家隸張叔儀皆從之未幾昉英琰復劾臨安尹趙與篤及執政陳鞞夤緣爲孽帝怒鄭杲乘閒劾罷昉英琰師雍又擊與篤腹心葉闡不報杲薦周坦葉大有入台首劾程公許江萬里吳潛去之自是師雍孤立善類日危矣陳垓爲監察御史與杲等四人合謀去師雍會大旱求言牟子才李伯玉盧鉞指杲坦等爲起災之由坦等僞爲匿名書誣子才三人師雍於上前發其僞撰之迹謂匿名書律令所禁何由得至御前適鉞疏譽師雍杲指以爲黨帝不聽擢師雍左司諫師雍故與鄭清之

同舍厚善然以劾其親劉用行魏峴清之心不樂坦喜曰吾得所以去之矣遣其婦日造清之妻曰彼去用行峴乃去丞相之漸也會帝將拜師雍侍御史清之沮之曰如此臣不可留乃遷起居舍人兼侍講力丐去清之猶冀其少貶師雍曰吾欲爲全人終不屈數月坦遂劾罷師雍以直寶文閣奉祠復起爲左史改江西轉運使遷禮部侍郎命下卒於官師雍簡淡寡欲靖厚有守言若不出口而於邪正之辨甚明故能博采公論當官而行始終守護名節無愧師友云卒祀鄉賢公兄弟師伋師軻師參師心師渙桷俱前後登進士時以爲盛

載弘簡錄

黃濤字源長邑人紹定二年進士初授無爲軍判調淮東判赴召

閩清縣志

卷六

列傳

十

除門下秘書博士時史嵩之當道濤與劉應起劾其久開帥府生事要功等語嵩陷之偃蹇十年不召後嵩卒上思其賢召除國子司拜寶文閣學士

趙正邑人宣德四年舉人景泰間授上海教諭終日坐堂上講授不輟夜則振鐸以警諸生既仕而休及門之士猶念之曰安得如斯人者以勵後進乎卒祀鄉賢

傳載上海志

謝瑀字叔和邑人景泰甲戌進士由戶部主事至廣東布政使致仕瑀在戶曹奉使賑饑畿輔饑民全活甚衆爲粵藩時廣東高雷廉三部值用兵征討瑀飛輓芻粟師無匱乏而民不擾以廉能著聲性忠厚坦直治家有法嚴而能睦卒祀鄉賢

王 澱字孔哲邑人景泰間歲進士授巴縣知縣慈祥節儉清廉愛民卒之日啓其篋蕭然無一錢存巴人哀之爭爲經紀其喪事立廟以祀并送其柩歸葬於閩

林 鼎邑人弘治己酉科舉人授黃巖教諭久任善教作人爲多

吳 湘號靜齋邑人正德間歲貢初授景寧教諭後陞徐州學政造士有方士林重之於嘉靖八年致仕歸里爭賦詩以贈其行

王臯伯字宗舜士和之子嘉靖間邑歲貢授南陵訓導陞鄱縣教諭雅善書畫

陳良鼎字廷器邑人嘉靖初貢入太學士十七年章聖太后崩世宗將南巡奉以合葬顯陵公卿台諫靜坐莫敢發良鼎曰唐郇模宋

陳東歐陽澈何人哉卽上疏言乘輿南幸自百官宮嬪及御前宿衛盡從郡縣除道修橋梁築行宮飭廚傳所過境內文武將吏當朝行在送往迎來以億萬計非所以子養元元計安社稷也臣聞河南北及湖廣諸處頻年水旱民朝夕告急有司聞天子臨幸已預徵來歲租賦爲不時之需百姓皆賣兒斥產以應追繫愁苦宜勅二三大臣奉梓宮而南不宜犯霜露勞玉體以損民費財疏入下詔獄杖之擬戍極邊會駐蹕眞定行宮火扈卒過江潭多墜死者世宗念良鼎言釋爲民授縣尉尋罷歸年八十種秫讀書以終老隆慶改元錄用言事諸臣時良鼎已老矣有司上其事未命而卒祀鄉賢

謝 濂邑人嘉靖間歲貢任西安訓導經明行修勤於課士青衿之士翕然頌之載衢州府志

鄭 瀾邑人嘉靖間歲貢授懷遠縣知縣勤於學問多識典故爭以博洽稱之

劉 煒邑人嘉靖間歲貢任訓導鄉黨稱孝友居官有聞

詹洪基字子震號星巖邑人隆慶戊辰進士初授中書舍人歷戶部員外遷刑部郎中尋擢雲南觀察使僉事著有能聲洪基溫柔樂易與人交坦夷出肺腑其事母至孝旦夕不忍離左右年未五十遂上疏乞終養既得請以奉菽水爲歡杜門三十餘年先業未嘗長尺寸孝友之行洵無間言年八十三卒於家見郡志孝友傳

閩清縣志

卷六

列傳

十二

陳以見邑人以貢應京兆試中萬曆癸酉順天舉人授定陶知縣值歲饑拮据賑濟民賴全活擢青州司馬

詹應運號起唐邑人天啟甲子歲貢授連城司訓秉鐸九載居官清正喜爲貧士出力後遷廣西義寧令廉惠並著今祀連城名宦詹士龍號非潛邑人少卽從戎曾隨都督胡世英撫流民克吳逆兩次征川復剿夏賊康熙十八年胡鎮守彝陵授以忠信校尉進秩武德將軍後以老乞休士龍歷官一十六載清風兩袖竟不克回閩遂家於楚之彝陵焉

毛元吉號仁仲邑人由歲貢任建寧訓導訓士有方士咸稱頌著有文集後致仕歸隱游航終老焉

羅綺邑人順治戊子舉人任太湖知縣賦性慈祥通縣稱爲羅菩薩建祠以頌其德

劉祖憲字爲憲一字守齋號仲矩邑人清乾隆甲寅舉人幼警敏日讀書盈寸背誦不遺一字候官謝位東先生湛深經術嘗言閩清小邑前有陳祥道今乃有劉守齋其推服如此居家以孝友稱嘉慶丁丑大挑分發貴州歷署永從龍里婺川普安等縣及丹江通判補安平縣知縣安平地瘠而衝民艱於治生祖憲教以種橡養蠶之法導以集匠織絲之利作橡繭圖說四十一條各系以詩明白顯易俾知所遵循而樂於從事蠶利大興民賴之縣故有治平書院絃誦久虛爲捐廉重修延師講學親第甲乙自乙酉至壬辰

科獲雋者九人掄元者二人文風大振又設立義倉三十九處義塾三十六所農桑學校政無不舉其署婺川也縣多假命獄歲以三四百計奸胥蠹役詐財株連致成拒捕祖憲立爲剖決使無所用其僞刁風遂息及去任百姓爭持豚酒餽送有泣下者時總督雲貴趙慎畛初上車參劾不職二十八員保舉者僅三人而祖憲得首擢摺已繕而慎畛卒遂中止繼任總督阮元題調普定擬卓薦以母憂歸後就督學陳用光西席有夤緣求達者慨然曰吾若爲此早爲之矣卒年五十七祀名宦鄉賢

徐世燦字廷建邑人幼讀書過目成誦清乾隆庚辰舉於鄉三十一
年分發江南試用知縣歷任江陰奉賢溧水諸縣愛民如子民以

徐菩薩稱之三十五年檄買貢木世燦到園先將貢木封定卽令商人開園伐木免納例銀三千餘兩四十二年檄赴河工時河堤決潰覆溺居民甚衆世燦請築堤二十里得墾田五千餘畝遷知太倉州富民張炳以女許字鄉紳高雲程之子某未幾而高氏中落炳欲爲女改字賂世燦白金二千兩世燦詰其女曰汝欲誰從對曰高某雖貧義不可棄世燦謂其父曰爾欲改字爲婿貧耳今吾以二千兩白金贈之不貧矣乃取所賂金給高某命歸迎娶觀者稱快五十六年去官歸紳士作詩贈之歸二年卒年七十

劉德崇字斯懋號梅齋邑人父早喪事母勤謹侍奉甘旨朝夕不懈母病必焚香祝天或顛父靈抱父木主涕泣求佑幼好讀書立志

不羣家貧無以爲養菽水之奉多取給於樵蘇每入山且樵且讀或坐石上或休樹下吟聲琅琅震動山谷如是者一年其伯父畏齋公以送闈便道抵家見而異之因挈於延平任所由是潛心苦學時自奮勵思有以報其母與伯父也年十七入泮十九食餼學使周力堂深器重之乾隆壬申舉於鄉甲戌以明通榜授興化仙遊教諭二十年間司訓盡職士人爲立留思碑以紀其蹟擢漳州教授十年諸生莫不悅服至公解組漳人士咸歌詩以送之平日誨人以立品端方居家勤儉爲本如公者可謂有學而有守矣

黃聘三字啟睿號再莘邑人少穎異日誦書千餘言甫九齡而孤未弱冠遊陳漢鹿夢得朱梅崖仕琇之門二公閩中名士也皆器之

年二十三以冠軍補邑弟子員二十六復以冠軍食廩餼三十二拔萃登科明年廷試報罷考充四庫館校錄期滿議叙湖北州同權石首縣丞兼權縣事荆江水溢朝廷發帑金百餘萬兩賑恤災黎大吏命其監賑悉心籌畫活災黎無算尋轉潛江主簿需次數載未有所就乾隆庚戌乞養歸六年丁母艱明年墨吏喻天佐以事陷之謫戍伊犁七年始得回籍家居十餘年而卒年七十一著有西行漫草若干卷子四長登元乾隆癸丑貢生次登虬邑廩生三登鯨嘉慶癸酉拔貢連捷舉人道光丙戌進士任四川長寧江蘇溧陽陽湖等縣知縣四登石邑庠生一門濟美鄉里榮之黃登鯨字碧洲邑人父聘三清乾隆丁酉拔貢署湖北州同兄登元

登虬弟登石均膠庠中人登鯨生而穎異早擅文名補弟子員嘉慶癸酉選拔貢卽中本科舉人時江右方亨衢以名進士宰閩清見其文許其必登瓊林遂締爲深交與之募建鼎峰書院造就後進及道光丙戌登鯨果成進士說者皆稱方君知人之明焉初聘三由湖北丁艱歸閩清縣令喻天佐以事陷聘三奉旨謫戍伊犁喻亦坐貶一路同行至戍所更相往來登鯨鄉捷信至喻曰君有賢子弟終當賜環余今生已矣因泣下已而果然登鯨選授四川長寧縣知縣爲蜚語所中調署清溪二年勤政愛民上官察其誣道光壬辰復檄召回任長寧清溪士民攀轅飲泣設祖帳於百里外有清溪留別詩十首其慈祥愷悌之意藹然流露後揀發江蘇

溧陽陽湖等縣知縣政聲尤卓著晚年乞假回兩袖清風惟蒔花種菜以娛老焉

張鳴岐號于廷邑人少穎悟善讀書登清道光乙未科進士歷知江西武寧德安豐城新淦等縣均有惠政兼權玉山縣事長江水漲決石堤百餘丈田園廬舍漂沒無算岐捐俸募修民甚德之爲立生祠後署九江建昌分府致仕歸子鴻亨邑廩生歷任廣東平遠高明知縣孫祖植光緒間歲貢任將樂教諭

劉善源字一六父槐庭隨伯父仲矩宦黔生公於安平縣署少聰敏年十五寄籍貴筑補博士弟子員清咸豐中髮匪猖獗公以縣丞佐駱文忠幕積功保陞知縣歷署劇邑以清慎勤聞嘗自書楹聯

閩清縣志

卷六

列傳

十六

云五忠八賢先人是倣一官九篆視民如傷其愛民之意溢於言外署大邑時盜賊蜂起公剿撫兼施民皆感化從善治璧山兩年民素健訟士風亦委靡不振公爲結案四千餘起刁狡者悉斂迹詞訟遂少又捐廉五百金並勸募巨資購學田爲賓興費文風爲之不變士民爲建生祠並作詩頌之公之政績誠近所罕見也

劉煥光字學華號昂村邑人天資英敏少從堂叔樹業讀下筆驚人師曰此子將來青出於藍矣年二十補博士弟子員是歲爲清同治壬戌卽登賢書時族中祖澄懿璜諸先生皆文章宿老先生雖早達尙師事之嗣肄業於省會正誼書院院士多英俊先生輒試冠其曹山長林鴻年尤刮目遇之先生治制藝外更工於詩古文

辭屢試春官均擯弗錄蓋同光閒文體卑鄙先生嚴格自持不肯俯就有司繩尺故也大挑二等歷署福寧福鼎福安尤溪等縣教職多士楷模之及奉諱里居授徒餬口不屑屑科舉之學必以經術時務訓迪後進邑有鼎峰書院膏伙缺乏名存實亡先生與都人士募捐巨資創立文泉書院延師主講文風爲之丕變光緒戊戌會試親友勸其北上遂成進士分發陝右適仕途擁擠久不得缺雖有一二釐差而絲毫弗苟宦橐仍蕭然也聯軍入京清孝欽太后與德宗至陝太監李蓮英用事賄賂公行夤緣者均登顯要先生介介自持坐是又沈滯數年後陝撫知其賢委署保安醴泉諸縣愛民勤政以賢能聞奈值地方荒歉虧累數千金竟以憂勞

成疾而卒士民悲之

黃庭號翔光邑之十四都寶峰人清光緒己卯由馬江船政前學堂優等卒業庚辰廷命出洋游歷先到美美總統召見繼至法留學法國軍政大學乙酉最優等卒業丙戌歸命造長門礮臺兼督造馬江船塢戊子塢成復調河南監修黃河堤岸閩浙總譚鍾麟以庭勤於王事特摺奏保旨准以同知七品銜賞戴花翎在任候補甲午又命督造江南江陰長江礮台竣歸病歿年四十有一許宗常號棣汀邑廩生福建私立法政畢業弱冠有文名尤長於詩嘗著有軍行漫錄清光緒己酉考選書記次年六月委充福建三十九標三營前隊司書生非其志也旋代理書記長隨營駐興化

協辦剿匪拔烟苗等事逾月一律肅清復條陳全省剿匪拔苗辦法洋洋千餘言師長批語有理由足資採擇褒獎在案民國五年八月在營積勞成疾乞假歸逾一月卒年四十相知者莫不歎惋

補遺

趙良璧邑十五都官塘人居鄉時素尙氣節明萬歷中任江西吉安府吉水縣知縣上憲派解糧餉長途跋涉不憚勤苦舊例運糧官多侵蝕弊良璧一毫不苟隨帶丁役亦奉公守法沿途罔敢勒索欽差總理糧儲大臣袁獎曰舉動安詳操持清潔洵可謂之廉吏焉

黃球觀字國存邑人道光甲午科武舉人勇畧過人不避艱險在鄉時好行善事歷授臺灣漳化嘉義千總以征生番功陞臺灣守備軍律嚴整與士卒同甘苦歸之日民遮道留之

儒林傳

羣聖人之道萃於經說經之家莫盛於漢尤重訓詁有宋諸賢則尙窮理非薄考據而不爲也蓋以馬鄭孔賈各家旣取名物而注疏之苟非就義理而紬繹之則於前聖之微言大義弗能融會貫通近於支離破碎矣究之二者殊途同歸無容執門戶之見吾梅先儒其解經之詳確條貫實兼漢宋之長遺籍尙在可考而知也纂儒林傳

宋

陳祥道字祐之邑人登治平四年進士嘗著禮書一百五十卷近臣以聞詔尙書給紙筆錄進除國子監直講官終秘書省正字年七十二卒賜葬清雍正十三年發帑重修龍江書院祀祥道及其弟

賜於內賜別有傳

陳 賜字晉之與兄祥道皆以禮樂顯名賜中紹聖賢良科授順昌軍節度使推官徽宗朝進迂衡集以勸尊紹述得太學博士改秘書正字所著樂書貫穿明備趙挺之薦遷太常丞進駕部員外郎講議司叅詳禮樂官與魏漢津議樂用京房二變四清以爲五聲十二律樂之正也二變以變宮爲君四聲以黃鐘清爲君樂之蠹也夫事以時作固可變而君不可變太呂夾鐘或可分而黃鐘不可分豈古人所謂尊無二上之旨哉時論方右漢津絀賜議上獨嘉之進太常少卿禮部侍郎終顯謨閣待制提舉醴泉觀年六十八兄祥道元祐中爲太常博士終秘書正字所著禮書一百五十

卷與暘樂書二十卷並行於世卒祀鄉賢

林學蒙字正卿一名羽邑人與弟學履字安卿俱從朱熹學僞學禁起築室龍門庵下講明性命之旨不求仕進所著有梅塢集行於世黃幹與李傳道書云向來同學之士今凋零殆盡閩中則潘謙之林正卿云云大約不過此數人年來得尊兄並太守陳寺丞相與接續尤覺此道不孤也幹嘗爲正卿作龍門庵記

清

劉士傑字梅巖邑人年弱冠受知於阿學使旋以冠軍食餼乾隆丁卯歲貢性嗜學篤信宋儒尤邃於語錄誘掖後進多所成就手輯有四書說貫二十卷禮記備要四卷傳寫誦讀遐邇殆遍壬午春

閩清縣志

卷六

儒林傳

二

任福安訓導敦勤課士教聲宏著署福鼎教諭士林矜式焉己丑之歲公將告歸當事以有裨學校不允所請公終以年老而賦遂初歸家年餘纂修譜牒昭穆秩然年八十杖履優游恒以經史自娛每有著述猶能於短檠前作蠅頭細字蓋精神至老不衰也

鄭文杰字子超號海巖邑人由郡庠充康熙庚辰年歲貢文行推重一時知名士俱從遊其門著有學庸說充有功後學子匡宸貢生任清流訓導

劉成章字本漢號倬雲邑人幼失怙母黃氏訓撫有方章生而有天性事母至孝母亦藉以解憂也方髫齡時克遵母訓力學不倦一燈咿唔依依傍母未弱冠而文名已遍吾邦遠邇矣年二十遊庠

乾隆乙卯貢於鄉家固貧以所學教授於鄉後進負笈擔囊來遊者屢滿戶外受其教益者指不勝屈性尤嗜古凡古文奇字靡不考核精詳人多載酒問焉屢困場屋處之恬如著有箋注左國四卷未行世邑人重之平生尙氣義尤篤於宗族有內外事善調劑族人亦以此愛敬之素善飲每當賓朋讌聚盡一斗一石不醉醉亦不亂而雄談神韻尤勝於未醉論者謂章之酒趣恨不與李太白賀季真同時致讓其擅名千古也章少聰穎復克自振拔故能以藐孤而卒底於有成特未盡其長士林爲之慨惜云

劉國琛字道南邑人一字慕遊性靈敏雋爽而恬靜簡默敦道誼寡嗜慾其爲學也喜博洽貫串不事剽竊時功令尙以一經取士公

獨肄業羣經於漢唐以下經解義疏靡不搜覽六朝綺麗間亦習焉甲寅年郡試第一隨受知於趙鹿泉先生琛質素弱時患血疾庚申之歲是琛卽世之年也前一日病未篤猶手寫詩經注疏數千言琛之學可謂勤矣而天不予壽惜哉

劉懿芝字善蘭號紫山邑六都玉阪人少貧苦能自刻勵年二十八舉於鄉主講南臺釣龍書院垂三十年任歸化學教諭推升福寧府學教授卒於官卒之日諸生莫不痛哭相與立祠祀之性嚴毅見者憚焉久乃樂其平易近情其論文以經史爲根柢以先正爲準繩其講學以忠信有恆爲基本以身心性命爲歸宿所著敬業堂文集明溪隨筆二程語錄註釋皆可以詔來學

文苑傳

古之雄於文者必本其平日之蘊蓄抒而出之未嘗有意求工而積厚流光自足以傳世不朽周秦以上無論矣漢魏六朝而後文體不同要皆緯以義理求達其意而已閩清山清水秀代產人文其登諸廟堂者著作典麗潤色承平所謂和聲鳴盛也若夫山林才俊之士含英咀華雖藏諸名山亦可壽諸後世爰亟登之俾免湮沒之憾未始非闡揚前徽之道也纂文苑傳

宋

蕭德藻字東夫邑人紹興二十一年進士嘗宰烏程後遂家焉所居屏山千巖競秀自號千巖老人楊萬里稱之云近世詩人若范石

湖之清新尤梁溪之平淡陸放翁之敷腴蕭千巖之工緻余所畏也著有千巖擇稿

許銳號退齋邑人年九歲卽日記數萬言其習舉子業肆筆而成初學聲律隨通春秋其父嘗對客言及會戎於潛之事銳從旁答曰諸侯非有天子之事尙不得出况會戎乎座客愕然博士黃璧時客於西山平齋之門與當時大中大雅相交許嚴重自居不輕獎予嘗謂人曰吾平生於才學識三字未嘗以識許人及聞銳之才且賢而又見高識遠深器重之乃妻以女一日銳謂其子曰昔人尙友於古汝曹不出戶限見聞何以自廣今建有朱學江右有陸學浙東有呂學可往從由是諸子各隨其所尙挾策四方旣歸

則曰汝曹云何其子有應之曰諸先生曾閱其文以爲可教銳厲聲曰士先器識後文藝一號爲文人便無足觀豈吾意哉至閱其文有所謂觀大節必於細事觀立朝必於平日之語始慙然曰可矣其告詔諸子如此則其胸次可知子潤英德府東衡書院堂長涇漳州節準溶登仕郎

明

黃 暉字景升邑六都壩上裡人永樂中以選貢知溧水縣事謹飭有官聲尤善屬文所作溧水縣碑記尙存福建通志作黃墩蓋誤也

劉惟廣字百泉邑六都玉阪人幼工文詞著作甚富萬歷戊戌授南

閩清縣志

卷六

文苑傳

二

京松江府上海縣廣儲倉大使勤於職務上官重之晚解組歸田續修劉氏家譜

黃正中字我叙子國組字君文父子皆明季邑庠家有厚資尙氣節甲申變起正中携子遯跡於永福之方壺巖著有方壺山房詩二卷以寄志至清順治中始挈子還

清

劉若廉字震夫號潔菴邑人淹貫宏通工於詞章康熙己丑歲貢廷試第十七名以教諭選緣被火移居南臺故生平著述無復遺留劉朝獻字文舉邑廩生少質魯嘗百倍其功有所得則終身不忘學者多負笈師事焉工吟咏有水月亭詩

劉世興字畏齋邑人少嗜學貧幾輟業嘗從田間力作不勝其瘁父以其質稚弱又不諳農事使復就學自是刻志攻苦手不釋卷著爲文章矜鍊名貴年二十三入泮明年舉於鄉報捷者至無以爲炊其母曰曩歲入泮吾尙有簪珥可售今並無之奈何家貧如此後任仙遊教諭擢延平府教授誨人有法司課之暇每自述少時事以勵諸生特簡河南沈邱縣知縣未至官而卒

許國號二蒲邑三都人康熙庚子科舉人試用刑部江南司學問深沈吐屬名貴文壇健將也方未舉於鄉時與兄經邦弟智應歲試車學憲措九錄取一等一二三等名皆其兄弟謁見時稱爲河東三鳳云

劉士驥字貽良邑人年十五遊庠旋食餼雍正癸卯恩貢居福州南臺與謝古梅陳德泉諸宿老相友善其文選入崇社鼎社課藝甚夥而屢擯場屋同儕謂之困鹽車蓋借其名爲之惜也

劉崇仁字斯緘邑人雍正癸卯拔貢學問淵博工於文藝識者以國士目之惜中年染疾不能盡展其才

劉廷棟字章雍邑人乾隆辛酉歲貢文章宿老推重於時邑名諸生多以課藝就正焉

劉廷嵩字章端號室峰邑人誠篤嗜學不囿於俗善爲文著書盈尺乾隆庚午優貢肄業太學授延平府訓導兼署沙縣學教諭敦勤造士士林頌之

劉沛然字章霖號大千邑人敏捷異常年十五遊庠旋食餼乾隆辛酉歲貢喜作詩詞傳贊著有宋易然不自珍惜散佚殆盡晚任龍溪司訓通譜有名鳳山者漳之博雅士也常就請業及卒於署歸櫬經福州南臺時鳳山肄業鰲峰聞之馳赴柩前哭奠盡哀蓋感慕者深也

劉世弼字柯峰邑六都人性素嚴閉戶讀書不留意於家務未弱冠采芹乾隆辛未鄉薦爲文刊落浮華獨標精湛人以國士目之庚辰秋闈分校清流邑令陳公閱薦其文以溢額見屈知之者不勝滄海遺珠之憾柯峰仍下帷披吟不以一時之得失介懷聞其風者咸負笈來遊多所成就晚家境迍遘嘗有句云自是君恩留有

待只憐老淚落難收蓋有道之言也

劉世燿字有阜號松岡邑六都人弱冠爲郡諸生文章爾雅倜儻不羣其待人也藹若春風雖五尺之童亦不褻視也嘗偕兄靜園彬亭泛舟吳越所歷名勝皆有題詠後隨父任日與同人唱酬賡和名噪韓陽

劉承春字元春號仁溪邑人性拘謹寡言笑治家嚴肅絕少交遊少工文每遇神理題則摹寫逼真空靈雋永觀者無不擊節朱石君爲齏使時選閩中名諸生十人肄業鰲峰承春亦與焉惜乎文章憎命竟以歲貢老焉

許省三字時改邑人工文藝乾隆庚午科恩貢父文繡雍正己酉歲

貢弟異撰字時知一日能成七藝其所構文幾乎家置一編至今尙有能背誦者惜文稿多散佚道光中應充歲貢之年竟卒里人嘗有一門三貢之稱

許大標字龍文號錦江邑恩貢十歲能文弱冠遊庠文名噪甚父智寧德學訓導標曾隨任肄業後由恩貢就職亦署是縣教諭四十餘年間箕裘相繼兩秉寧鐸嘗題學舍楹帖云地有夙緣四十年前隨父曾司此鐸士懷舊德三百里外俾予復廣斯文迄今尙有父子同任之稱

許雲鵬字而九號萬里髫年嗜古尤研究說文之學作文必數易稿而後敢出以示人後入邑庠選城均入都與諸名士相切磋每月

考校大司成輒拔置前茅因授通判職歸

劉祖望號璜溪邑人嘉慶戊寅恩科副貢考取正紅旗官教習所爲文章精警異常朝貴器重之上以教授有方簡任廣東文昌縣知縣祖望本經術以治民邑頌神明子懿璋道光丁酉科拔貢詩文字有三絕之譽爲州縣幕客三十餘年

郭維藩邑十都芹谷洋人歲貢品學兼優凡四子書及朱註以及上下眉注釋並五經昭明文選各家古文靡不爛熟胸中時人以書櫛目之作爲文章斐然可觀兼習醫學病者家貧不受其錢迄今閩里猶稱道不置云

劉鑑光號品人邑人弱冠工文中嘉慶丙午科舉人屢試春官閱闈

作人皆許其必售卒有劉蕢之恨後任長泰彰化教諭殷勤課士
闔邑頌之

黃步青號芝山邑人幼聰慧十歲能文中嘉慶辛酉科副舉人性仁
厚好隱惡揚善家頗饒鄉人有建屋者以田地轆轤業主阻之步
青密爲擔認許償地價千緡落成日方以事相告人皆高其行
鄢乘龍字子職號雷江嘉慶間永泰歲貢少勤誦讀經史諸子靡不
爛熟胸中善屬文邑鄉飲大賓劉世焄以女妻之逾冠補弟子員
科歲試多列優等槐黃九度五薦不售士論有李廣數奇之語一
氈梅渚垂四十年從遊者甚多因構屋於邑之十二都家焉生平
菲薄自奉輒戒子弟毋蹈膏粱氣習嘗自署一聯云儉可成廉兼

去吝勤能補拙且忘疲後其孫韶成登賢書司教鐸書香歷久罔
替

劉鍾嵩字本英邑廩生性敏捷博極羣書拈筆成文不待點竄綽有
乃祖大千風不永年爲可惜也歿時有輓以句云身可贖兮人以
百士能如此國無雙

劉樹業邑廩生學問淵博品行端方其誨人也循循善誘無有厭倦
一時士夫出其門者咸成偉器著有貽書堂吟稿

劉景芬字貴楨邑人道光己酉科拔貢善屬文清矯不羣耐人尋味
以朝考入都著有北行游草凡經過之山川名勝皆見之於詩子
際昌邑庠克紹家學並精堪輿之術

陳清江字冠爵號潏山聰穎能文早歲遊庠旋食廩餼嘗從吳蘭蓀先生遊屢入秋闈終嗟鍛羽道光間以歲貢入京就職候選儒學居恒爲學不拘拘於咕嗶對於經史及古文辭詩賦多手錄之各成一帙以資研究晚家事不理嘗自言曰沽於市酒可酌釣於池鮮可食亦曠達人也

陳綏之字尹安邑人少儻不羣善屬文中道光乙未恩科舉人福州鳳池山長趙在田先生見其文器重之延爲西席每教授時從堂後聽之出告人曰陳君說經淹通條貫不圖閩清小邑有此通才其推重如此

黃雲光字國田邑五都塔庄人道光乙酉科舉人幼穎悟日記千言

工古文家貧饘粥不繼從林炳岡先生學岡憐其貧免其束修且授以餐後署直隸分州半年卽寄俸銀以酬其師旋授直隸高邑縣有惠政因疽發背卒於官

黃際鋒號礪崖邑五都塔庄人道光己亥科舉人少儻父樂宗禮聘鄭奇崙先生於家教之鋒手不釋卷文思浩博師器重之一夕師思食猪肝樂宗宰家豕取肝以進師詰知其故瞿然曰君如此隆師重道乎吾誓必教君子成名及登賢書崙曰吾願遂矣遂辭歸

林金華字孟材邑人道光癸未歲貢學問淹博善屬文爲人慷慨尙氣節教授生徒諄諄不倦有古師儒風著有文稿今佚

邱培英號杰齋邑舉人氣度雍和學識超卓工於文後司臺灣彰化訓導教士必以孝弟爲先居數年彰邑文風丕振秩滿歸彰人士贈詩有楊侯出郭馬千匹賀監還山詩一囊之句亦足見其清廉自守矣

許用賓字振邦號光庭邑人咸豐壬子科副舉人少孤母張氏撫之勗治舉子業弱冠以冠軍入庠旋肄業於省垣名孝廉陳瑩之門先生愛其文尙行氣且精於易嘗以偉器目之壯登副車後又屢膺鶚薦不售晚署建寧府崇安縣學教諭子興鴻亦宿儒

聶廷銓號簡堂咸豐己未恩科併戊午正科副舉人署泉州府教授順昌縣訓導福寧教授卒於官兩袖清風子無以爲炊居鄉時足

不履公門丰裁嚴峻工詩文著有梅溪紀事法帖後生爭寶貴之晚好歧黃術著有醫學摘要

黃光昇字邦禮咸豐戊午科欽賜舉人幼苦讀不以寒暑輟咿唔文崇樸實賞音者稀逾壯始補弟子員蹭蹬棘闈無憤懣意設絳四十載尤善於訓蒙門徒頗盛生平疏食布衣臨財不苟每語人曰與爲陽虎富寧作范丹貧年八十四鶴髮童顏猶赴鄉試敬老有典終償其願

許玉成字殷吉號琢人登道光丁酉科鄉榜才學超凡文名卓著不專工於時藝甲辰年大挑二等以儒學用後署仙遊縣教諭將赴任病卒

吳肇英字蘭川邑廩生倜儻有大志文名早噪屢蹶秋闈終以一矜老著有螢光集其咏鳴蟬云臨風唱晚輒漫漫似訴林泉苦境寒韻短韻長情自切知音未遇對誰彈卽此足見其抑鬱矣

劉之英字學傑號偉人邑庠生弱冠有文名所作九日游盤谷巖序駢詞儷句藻采紛披迄今猶膾炙人口

劉國攀字道攀邑二都青坑鄉人貧而好學弱冠游庠工於時藝著孝經淺語以課童蒙鄉人樂延爲師

劉作舟字學川邑廩生精通文藝耽詩酒好山水與弟作屏自相師友晚移居白雲山自題其門曰龍帶晚烟歸洞府雁分秋色到衡陽名士風流於茲想見

劉祖端字爲修號和卿邑人博通經史所爲文多典制體不合時趨阨於童試至老不售授徒於鄉誨人不倦尤工吟咏題白菜圖詩霜清露白曉風斜數本亭亭絕點瑕齧得此根功用半一生風味重儒家其高淡之懷於此可見

劉祖澄字爲岑號曉湖邑人年七歲父命就塾讀書日僅讀十餘字塾師以其質鈍弗之喜也稍長痛自刻勵日夜誦聲不絕積數年徧讀羣經心忽有悟下筆驚其長老所爲制藝典麗喬皇有清初諸老風格而詩古文詞尤擅勝場道光甲辰科舉於鄉弟祖敬中同治戊戌恩科副車澄以家貧設絳弟子多掇巍科而去晚署長泰訓導卒於官

黃庭經號和軒邑人少聰慧工著作年十七以默十一經補弟子員入棘闈二十四次同治壬戌恩科年八十有二欽賜舉人逾數載鄉後輩有以經史請業者猶能歷指此節在某冊某頁檢之無失族姪某七十開壽筵經在席衆請默四子書集註曰隨所指默之當可無誤又曰若十一經則何如曰須以十日過閱恐儀周二禮中多古文字畫艱於了了也其篤於用功如此

翁安瀾字賢駒號倚巖邑人天資靈敏尤勤於學問僑居省垣課徒數十年循循善誘至老不倦所爲文過於高古不合時趨屢戰棘闈弗捷竟以歲貢終

劉鳳來字道儀邑人生平勤學不倦工於詞章入場屋至老不售然

皤皤白髮猶日手一篇咸豐間知縣有耄而好學四字之獎蓋表其實也

許芝馨字蘭士號香齋邑人幼質魯讀一行書必須兩日教一字義必須數次其父許經厭之以爲莫繼其業也馨則深自刻勵嘗語人曰鐵杵可以磨鍼吾願勉之父令采樵輒偷閒苦學父歿乃受業於季父登三逾冠遂工詞章充同治丙寅歲貢晚歲課徒循循善誘嘗自舉少時狀況以勗諸生故遊其門者雖庸材亦勉爲造就焉

劉紹幾字道嚴邑歲貢學問淹博尤雄於文歲科兩試多冠軍棘闈屢戰不售某科已取中矣因文中有犯時忌語主司檢出擯之族

姪懿鈔工文章幾重之告之曰理解題爾叔祖澄之文可讀若議
論題則余文可以爲法鈔躉之鈔隨登賢書幾不得志乃教授生
徒兼營商業自題楹帖云此地依山兼傍水斯人名士亦通商其
自負如此

劉朝曦字光熊邑附貢浙江試用縣丞善作文情思綺麗風韻絕佳
誦其文如初日芙蓉晚風楊柳詩亦工緻雖名宿宗工見其詩文
莫不推重之惜不永年

劉致中字貴和邑歲貢工文藝歷署德化彰化教諭循循善誘諸生
皆矜式之

黃若恒字其成邑廩生能文工詩著有喬蔭齊詩賦性純厚與其弟

廩生志鎬甚篤友于之愛族人稱之

黃位中號品三邑廩生博通經史善文章性鯁直非有道之士不接
遊其門者多知名於時

江鏡川號冰甫邑廿一都江滌源子同治間廩貢候選訓導早歲有
文譽著作宏富講學於鄉後進多所裁成惜天不假年未強仕而
歿

許祖鎬號懷西邑人天資穎異秉性剛直少從堂叔祖用賓遊愛其
文藝清超弱冠屢拔前茅壯年入泮其授徒也循循善誘嘗撰山
齋楹聯云腕底有時驅造化眼中何處着王侯其抱負不凡可想
見已

許恩榮號耀波邑增生早歲家窘欲輟業其師許祖鎬愛其才勸其伯叔出貲以成其業逾冠益工詞章卽登黌宮復肄業於劉保棠黃嵩元二先生之門皆器重之後舌耕養志廿載人無間言課徒不厭講授麤戰秋闈薦而未售年四十餘卒

劉懿珪字善瓚邑廩貢幼聰穎健於文尤篤於經史之學家貧舌耕餬口邑中如劉保棠諸先輩皆從遊焉弟子以文藝進者各隨其性之所近爲之批點莫不如其意之所欲出經其指授者文思日進人有文章宗匠之稱子訓揚歲貢文字亦有父風署詔安訓導劉懿璜字善堯號渭臣邑人少穎敏肄業於省中鰲峰書院作文善構思試輒超等堂弟聯三因送薪水之費時至書院見其常臥榻

上出語人曰讀書誠不藉咿唔力也蓋知其苦心研究先成腹稿而後下筆焉咸豐乙卯科以第一名獲雋誦其闈稿士論翕然晚署甌寧教諭及門多成偉器

劉懿璠字善鄒號少魯邑人少孤性豪爽遵母教折節讀書善屬文尤精說理中同治庚午科舉人生平孝於事母母孀守性嚴璠遇母怒輒下氣柔聲奉之母不食必跪進盤匱母食乃喜與伯兄分爨兄因家累破產仍邀與同居兄死教養其姪爲之婚娶俾得成立晚家益貧硯耕爲業弟子多成名卒年五十有五

劉懿鈔字善炳號聘園邑人父祖淮有文名以歲貢生署福寧府學教授鈔承家學工於文章詩賦業師劉紫山先生尤器重之生平

服膺蒲松齡聊齋一書謂其孤憤著書假狐鬼以施筆削可當史記讀每稱其書曰聊史中同治丁卯科舉人署寧德訓導卒年四十有四

劉作屏字學修號省三邑歲貢少師事其堂伯劉樹業與兄作舟均有文名所居貽書堂有園林之勝往來皆文人學士俗客不得入焉好吟咏詩稿甚富因幕游省會篇帙散佚殆盡今所遺一鱗片爪傳者尤樂誦之

劉訓詮號鑑湖邑人早歲擅文名以名廩生充歲貢家貧如洗有時賣文爲活中年出就蒙塾館穀不豐性又耿介不取非義之財妻子凍餒處之晏如也光緒壬午科寶竹坡侍郎典閩闈得其文取

中第三名闈藝簡鍊名貴士林傳誦之福寧府知府聞其名延主溫麻義塾循循善誘諸生莫不欽佩歿於學舍是時族叔劉煥光教授福寧輓以句云五九年齏粥安貧積來半世勞薪席帽纔離撒手遽辭塵世去一千里蓴羹歸夢悵甚他鄉易簀絳帷宛在酸心怕作竹林游

劉涵字雨人幼質稍魯父懿芝設絳於福州南台釣龍書院督之甚嚴涵伏案苦讀文思日進遂成通儒中同治癸酉科拔貢長樂謝章鋌主講致用書院涵每試必列超等其文刊致用課藝中晚歲署南安訓導以疾卒於官

劉訓畚字家達號心耕邑人鄉賢祖憲先生豕孫弱冠有文譽中同

治癸酉科副舉人益勤於學肄業省會正誼書院多列超等屢試秋闈終不售授徒於鄉負笈者踵接其善於誘掖後進乎

劉語銘號可鈺父溥廉邑增生僑居省城性清介一錢不苟取銘幼聰穎年十四卽與于公彥程啓昌諸友聯爲文會文成諸友皆擊節賞之中光緒己丑恩科舉人屢赴春官不第中年告殂亦可哀焉

劉澂號吉齋邑廩貢爲劉懿芝先生第四子少明敏隨侍明溪學署親承庭訓益究心於古文之學所爲文必以戰國策史漢爲法故其筆墨遒勁變化迴脫恒蹊晚年課徒於鄉著作頗富

劉訓嘉字滄洲號績廷邑人四歲時祖祖端課以楹聯卽能認識不

誤其祖喜曰吾有孫矣性嚴毅不苟言笑然事親以孝愛弟以誠家庭中藹藹如也師事堂叔名孝廉劉懿璠先生愛其制藝超卓每稱許之光緒中蘇人穀莊鼎元趙以成李駿斌諸山長主講閩清文泉書院得其文屢拔前茅後因制科廢僅以廩貢生終命也其課徒悉遵師法生平於稗官說部靡所不窺所著梅杏奇緣效顰志異漁唱棹歌等集沈博穠麗尤膾炙人口晚以醫術名活人無數

許夢秋號竹川邑增生幼敏慧善屬文受業於閩侯副舉人鄭炳宸進士鄭炳章之門師器之壯補弟子員無如秋闈屢戰屢蹶鬱鬱不得志卒年四十有一

鄢韶成字綏體號儀庭原籍永泰咸豐乙酉科舉人幼聰穎篤於天性母病不脫衣而寢者七十日年十九補弟子員旋食廩餼及登賢書一應春官試即退守鄉關舌耕養志談經之暇嘗以諸葛亮淡泊養志寧靜致遠之言勉諸生後以大挑膺教職署泉州府學值歲饑捐俸倡立平糶會貧民賴焉繼授大田訓導振興文學合邑公立長生祿位祀之調補詔安學馮光通學使奇其文評曰文壇健將兼掌教丹詔書院沾教澤而擢巍科者指不勝屈其著作如木縣庵懷古謁趙公祠詩以及褒貞勸學戒溺女戒鬪戒烟諸作皆以抒扶翼世教之思年六十例可過班知縣人勸其北上卒辭不就越四年歸休林下是邦大夫有慕其賢而來謁者談公

益外未嘗稍干以私歿年七十自輓曰叨先澤忝列賢書設教廿年司訓十年究竟功德俱虛只算個迂腐儒生徒茲食粟勗爾曹無多遺囑苦讀一好勤耕二好若論創垂可繼總在能敦崇庸行代有傳薪所著公餘姑留草至今猶膾炙人口焉

方昇號賓嶠光緒間邑廩生家貧幼喪母事繼母以孝聞隨其叔邑庠生亨學手不釋卷未冠補弟子員邑廩生黃慶祐以女妻之簞瓢自樂不入公門廿載一氈時以館穀分諸弟科歲試輒列優等名噪文壇秋闈屢薦不售益肆力經史歿年四十諸生思之猶集百餘金以恤其子

俞汝霖字世恩號雨蒼邑恩貢舉人俞振武胞弟工詞章弱冠食餼

屢困場屋子二皆業儒先生中年喪偶義不再續父子皆教讀每歲晚歸家一堂談詩飲酒晏如也一生不置產業無塵俗累年七十有七卒

嚴兆英字翊三邑廩生少聰敏所爲文典雅新艷人多擊節稱賞棘闈屢薦弗售教授於鄉不憚訓誨中年告殂惜哉

朱道幹字河淮邑庠居古峰之頂課徒餬口以吟咏自娛所作時藝筆致超雋科試時陳學芬學憲曾拔取前茅

余肇基字弼甫邑庠幼聰穎熟於四書傳註背誦不遺一字工作文棘闈曾經堂備性恬淡與俞汝霖朱道幹劉訓嘉諸文士聯爲詩酒之交每興酣輒登山巔誦古今名作高唱入雲竟日而罷所遺

零章斷句人尙有能誦之者卒以授徒終老

許 新原名逢恩字德純號澤人邑人幼穎異弱冠遊庠食廩餼鄉先輩見其文甚推許之秋闈屢薦及前後堂備均黜相知者皆爲嘆息邑教諭陳德薰以優行送考又弗獲選充光緒己丑歲貢就職訓導晚多病習岐黃術復以醫名噪於時著游藝記略藏稿未刊

林清照號鏡如邑人隨父僑居省城少警敏爲諸生時已倜儻不羣光緒戊子科試陳學憲學棊校士福州稱其文冠十一學卽於是科登賢書後成進士入翰林任四川奉節縣知縣與上官不合謫軍台效力新疆將軍愛其才命之辦理文案逾年爲之奏請賜環

歸竟賚志以歿

林韶賡號簫九邑廩貢健於文構思靈敏雖風檐寸晷中數千言援筆立就嘗與省中諸友結社爲文旗鼓相當彼此不分勝負惟下筆之神速則讓諸韶賡焉葉姓爲福州望族多文章宿老曾延韶賡課其子弟其爲時所推重可知矣

劉保棠號樹甘邑人優貢天資穎異善屬文好善舉凡邑之義倉育嬰道路橋梁諸政莫不身任其勞晚署汀州連城儒學爲諸生點定課藝毫無厭倦士林均感戴之

林培禧號莠仙邑歲貢性嚴毅殫心經史之學爲文必守法度弟子皆敬畏之居縣城中邑令聞其名嘗造訪之禧語不及私有某姓

因訟事託其代白於官禧變色拒之其品格之方正有足多者

林夢清號梅卿少嗜學尤工詞章由廩生選拔貢復中副舉人性樸直非公不至縣署鄉有義舉必倡捐之署連城訓導以愛士聞汀州太守胡廷幹升任山東巡撫素重其才檄召之遂改捐州判分發東省任釐稅關員數載苞苴弗入涓滴歸公歿於官兩袖清風子伯新等貸資於親友扶櫬歸聞者傷之

王龍光號壽彤舉人工詞章尤精於醫求診者多不取值重修上院寺以課授生徒成名者指不勝屈著有詩草今散佚無存

林樹號雲樵邑七都人光緒十五年恩貢性瀟灑工詞章闢濂溪書室蒔花百本尤精於醫求診者分金不取焉

林際暄號郁巖邑人光緒辛卯科副舉人性聰穎少從其舅父黃龍章學爲詩文操筆立就省紳張亨嘉聘爲西賓見其氣識高遠學養深沉每稱許之

翁啓光字士任號曉東邑歲貢生幼倜儻多著作名聞於時子玉輝早歲能文文泉書院考課多列優等師友器之不幸夭折光自是淚灑西河以憂構疾卒

陳寶賢號邇安邑庠生家貧好學襟懷灑脫與師友甚相得所作課藝文泉書院趙以成李駿斌諸山長皆嘆賞不置著有文稿未成帙適赴省應歲試取列一等因中疫病暴發買舟回至家數日卒黃鏞字本厚號和笙邑人生而岐嶷從舅氏劉懿芝先生讀出語

不凡閱其文者莫不欽佩之補博士弟子員後科歲試輒列高等年二十三中同治壬戌恩科舉人更研究羣經故所學愈博以大挑二等得教諭職未任而卒弟湘字本慶邑廩生亦有文名

詹覲光號仰穆邑廩貢十六都鶴洋人少聰敏喜讀書著作清新典麗時流翕服晚好吟詩每入社輒拔幟先登生平有狂疾不自收拾詩稿多散佚

黃倬章號望蒼邑廩生五都坂尾村人性篤厚所爲文莊重不佻如其爲人教授生徒必課以前賢矩矱無使稍越生平不好奔競每春秋佳日輒與翁啓光詹覲光廖志昂諸文人飲酒賦詩亦高尚人也

民國

劉洪字亦川邑人學問淹博尤長於古文鏖戰棘闈屢膺鶚薦竟以廩貢老惜哉

劉開福字振拔號曉珂邑庠少以勤學稱因家貧商於省垣晝出買易暮歸清算賬目至夜分則秉燭喃喃讀卽患病呶唔之聲仍不稍輟所爲文多慷慨譏刺語時人以沈青霞徐元長目之厥後積勞成疾永訣時猶囑家人年曬書一次勿令損蝕亦志士也

黃紹庭號實秋邑廩生善屬文氣力雄偉講學於鄉受其薰陶者多成才生平剛直族鄰爭訟藉其排解清季任文泉新壺兩學校校長以積勞成疾卒年六十

林叢桂號香巖邑人性篤厚好讀書文藝工雅劉懿芝先生甚推重之清同治丁卯科舉人後大挑分發山東知縣歷宰劇邑卓著賢聲辛亥民軍起辭職歸築室深山中絕口不談時事閱數載以壽終

林霽春號醉山邑人清光緒己丑恩科舉人工於文尤善吟咏省中巨室多聘主西席子弟得其訓誨皆成通才且熱心公益嘗創辦福州女子紡織學校身任勞怨鄉里稱之

補遺

王 佐字君元邑四都佳壠村人性嗜學喜作文標新領異人樂誦
之晚以廩生充歲貢年六十三卒

陳上選字特子邑四都人補弟子員後注意家庭教育嘗綜論語大
意作爲勸後書文字淺顯便於初學亦不愧一文家矣

劉廷熙號穆丞邑歲貢學問淵博所爲文甚典贍生平嗜讀手不釋
卷閒嘗背誦諸經不遺一字尤精易理每教生徒於卦爻中陰陽
變化說極透徹且秉性樸直人更仰之